

文靖公詩鈔

先師文靖公詩集四卷吟梅閣試帖詩存二卷自怡悅

齋試帖詩存二卷共八卷皆公所手自訂者又遺集十

二卷附以補遺爲公子今內務府大臣東甫所蒐錄公

薨後五稔而始成書歲庚子版燬於兵燹久謀更梓之

嗣遺集已爲蔡司馬

國楨

所重刻而此八卷仍未遑從

事去夏東甫留守粵地而

芬

亦於秋間權署粵臬事始

與同年李太守

星若

及李軍門

直繩

共出貲而復刊以

壽諸世旣竣事竊爲之序曰虞書有云詩言志歌永言

詩固人之所藉以發抒性情者也而世之學者往往追

章琢句過爲奇肆雄怪之詞以鑄鑱造化已隱失詩之

本旨矣且人之生於世也固將修之於身施之於事上之戮力於國家下之流惠於生民建不朽之功業而焜耀寰區耳不此之能僅思垂空文以自見末矣而況詩爲文字之末技不尤末之末者乎然而古之詩人如李白杜甫其名亦且彪炳千秋與世之建功立業者曾無以少異或更過之抑又何也往嘗取其詩集讀之而後知其所挾持者爲甚大鬱不一施而其忠義之氣又不能以自己也於是一發之於詩以鳴其憂世之忱故其詩不做於天壤使其得位乘時必將大有所施設而尙暇勤一世以篤志於詩窮老而不休耶眉山蘇氏嘗曰

子美詩外大有事在是豈故爲阿好之語實有見於其抱負閎深不可以億計惟其不遇於時始僅以詩傳而千載之下猶令人讀其詩而想見其胸襟則其蘊蓄者爲何如矣太史遷有言詩三百篇大抵聖賢發憤之所爲作也豈不信哉然竊於是而愈益歎其志之不獲售而僅以詩傳之爲悲也 先師文靖公身秉

國鈞而又值四方多故之際運籌決勝

國家常倚以爲重是故能修之於身施於世者矣而尙有待於區區末藝以爲輕重云爾乎然性耽吟詠退食之餘時多巨製星輶所歷篇什盈帙豈非所謂本立而

末亦不失者歟而詩情溫厚爾有合於詩教無世人感憤不平之故習則後之讀是編者因公之詩而益以想見公之胸懷高曠膺覃

國平章之重寄而猶能嫻於歌詠以發抒其性情本末兼賅非僅以詩傳固尤不可及哉

光緒戊申小陽月望前二日受業蔣式芬謹序

門下晚學生李準

校字

受業李象辰

粵東省甘藝苑樓刊
西泠街

總目錄

典試浙江紀程草卷一

浙江還轅紀遊草卷二

奉使三音諾彥紀程草卷一

塞上吟卷二

吟梅閣試帖詩存卷一

吟梅閣試帖詩存卷二

自怡悅齋試帖詩存卷一

自怡悅齋試帖詩存卷二

自敘

京師供職碌碌無暇晷蓋性靈之汨沒於簿書鞅掌間者爲已久矣幾不知世間有吟詠事則以才識拘迂恐廢職業故也回望玉堂如在天上豈必專在歸田時乎然乎否乎今歲秋闈以右翼副都統充彈壓在貢院襄事十日同人偶有以文字致詢者亦笑置之適有查辦大宛供給所事故出闈日更覺紛繁八月二十七日始行奏結次日忽奉典試浙江之

命限期已迫遂於謝

恩後九月四日兼程就道身心旣閒稍稍吟詠以誌郵

程及至杭州得詩凡百二首湘浦太史小奚能爲鈔胥
因使錄出以備日記而已作詩云乎哉時

咸豐八年十月望前一日吉林寶鋆佩蘅氏自誌於浙
闡之聚奎堂

咸豐戊午之歲保靖中丞以浙江全境肅清請於十月
補行鄉試吉林司農恭膺

簡命星軺莅浙偕湘浦太史入闈浙中多士踴躍拊舞
如宋嘉祐中廬陵歐陽之知舉也司農校文之暇出記
程草以示內監試孫君敬之內收掌孫君仙植暨諸同
考官緒曾得寓目焉詩始良鄉迄至武林驛館共百二
首凡山川之佳麗古賢之遺跡民俗風土之流覽一一
見於篇詠美哉洋洋乎巨製也唐人錢珣江行少瑰麗
之句工部入峽多愁苦之吟惟李公垂追昔遊一集音
節中和情文兼至然不盡乘傳奉使之詩

聖朝詩家鼎盛新城王文簡公持節隴蜀有蜀道集皇
華紀聞至今膾炙人口觀司農諸作胸襟之高曠氣宇
之闊深白雲滄海據其壯懷綠樹清泉滌其幽響感邨
城之孝婦笑厭次之歲星語與興驅情因景觸以視漁
洋山人何能多讓耶雖然緒曾更有企焉憶道光己亥
秋梅谷尙書典試浙江今司農復膺是使棣萼文衡接
踵相繼月舫方伯涖甬東渡蓮洋登寶陀山緒曾嘗橐
筆賡和舊游如昨今復分校棘闈獲聆司農白雪乃知
竇氏聯珠不得專美於前緒曾又何幸如之乎曩者鐵
梅菴尙書輯長白諸詩家爲

熙朝雅頌集八伯星雲超軼千古今司農珊網羅珍入
貢於

天子賡歌颺拜梅鼎調羹緒曾才愧玉溪尙希見會昌
一品之集豈不盛哉

咸豐八年孟冬十月浙闈同考官朱緒曾謹序

天開珊瑚桂宮參梅嶺之香地鞏金甌奎壁掃槍櫓之
氣歲在戊午時維孟冬司農大人偕湘浦太史

鳳詔銜

恩蛻旌入浙茱萸少插動離情於重九節前風鶴頻驚
數變態於三千里外望塵沙而駐節吟詩意不在山光
水色操國計而採風問俗事無非吏治民情織千重雲
錦宛騰光燄萬千編百二風詩如誦篇章三百其感時
則淚濺殘花魂銷一炷其恨別則心悲驚鳥筆掃千軍
其弔古則忠孝發幽光不僅梗莽邱壘之寫怨其懷人
則風雨思政績不僅江雲渭樹之縈情至於滄海碧天

足供吟嘯白雲紅葉盡入錦囊尤形容所不盡亦楮墨
所難宣意則哀樂中無滯怨覺工部之吟入峽徒切悲
愁詞則平淡內寓光華覺錢珣之咏江行尙差瑰麗昔
年曾入春明知著作定傳于古今日獲聆蘭雪幸觀瞻

聊見一班矣尤堪羨己亥秋試麟尙書曾主文衡今日

桃李新陰萼華舊蔭

道光己亥秋闈梅谷尙書典試更
浙江今司農復至棣萼聯輝

可喜丙辰春闈張督學同知貢舉今日菁莪送冊杞梓

登門

丙辰會試張星伯學政與司農同爲
知貢舉今復會於浙江尤稱勝事

中丞節鉞文

章布政之餘迭爲唱和

中丞有闡中分題雜詠司農曾
和數首司農記程草中丞亦有

和焉寮屬導揚鼓吹校文之暇繼以吟哦福星至而日月

彌光天亦若植才於門下文運開而鸞鳳畢集士咸欽
添燭於堂前纔看月滿西湖驛館中先回春色讀新編
如挹馨香又值雪來北道酒痕外祇有詩囊想佳句更
添多少誠元白爲之壓倒一時而蘇歐不得獨隆百代
也

志汾

小草無知躬逢嘉會盥薇雜誦心醉名篇際此

秉節馳驅察民物而嘉謨入告圖畫中如披萬里風雲
伫看調羹鼎鼐率衣鉢而拜手颺言

御屏上又吐十聯珠玉

咸豐八年孟冬十月浙闈監試官朱志汾謹序

題詞

胡興仁 恕堂

使節遡臨驛馬馳文星焜耀小陽時

九天雨露平分浙萬里風雲盡入詩桃李門開添淑景

三場晴霽珊瑚網下不愆期浙中官紳初不料星使速來依期扁試梅花已透

春消息合占南宮第一枝

朱緒曾 述之

口銜

鳳詔九霄重斗北衡星指孟冬一路輜軒詩草富百篇
錦繡墨花濃胸中自得江山助雲裏常瞻泰岱封竹箭

東南收玉筍同聽長樂早朝鐘

經談席累侍中重博問堯湯服舉冬義合四詩風雅頌
才搜萬卷淡奇濃桐琴眞賞金篴刮芝冊高文玉檢封
自笑鰕生等濫廁寸莛那許叩洪鐘

步 恕堂
中丞韻

朱志汾 笏山

紅葉青山破萬重錦囊收盡條經冬編成騎馬驅雲待
愧獻雕蟲涸露濃

志汾以首題擬作三篇求
政重荷褒獎益深愧懼

難屬春官

慚俗吏還祈化雨滌塵封三年聽鼓詩無興幸捧名篇

省曉鐘

步 恕堂
中丞韻

熊松之 子容

文星來自

玉京遙遮道萑苻氣不驕瑞色曉辭

溫室樹歡聲冬動海門潮更無供億勞置吏但遇吟哦
識使軺顙顙青衫叨末座一編何幸聽鈞韶

唐家宰相度支兼

帝簡良臣碩望瞻蘭綺承麻門列戟芸謐壽世字酬纖
莊山鑄幣機衡密滄海掄珠鑒別嚴最憶酒闌談往事
廿年前夜此風檐

星使

邊厚慶

雪坡

天邊至高名重斗山文光輝越國詩律屹秦闕體備風
兼雅人思孔鑄顏龍門開兩澗多士快躋攀

張祥榮

雲舫

鳳詔輝煌下

紫宸掄才兩澗重

絲綸三千驛路吟懷壯百二詩篇客思新職掌文衡懸
朗鑑主持大雅使扶輪冰心玉尺珊瑚網搜取明珠到
海濱

鹿鳴改賦爲時艱忽報仙楂已度關共仰文章高泰岱
欣栽桃李滿湖山驂鸞他日成全集窺豹今朝識一斑

旌節花開聯棣萼壩簾迭奏冠朝班

錢國珍

子奇

綸綍親承

簡命新輶車到處采風頻司農籌

國經猷富宗匠掄才賞識眞桂植小山榮晚歲梅探庾

嶺兆先春當年曾接詩壇席辛丑壬寅間在京館溫氏曾侍教詩社翰墨

還堪證夙因

久欽著作擅京都行篋新編賦載途遙望紫雲森

北闕高懸明月照西湖瑰詞自協黃鐘律珊網能搜赤

水珠幸許分光依日月

是科以吏部文章日月光命題

文章衣鉢重歐

蘇

岱嶽崔巍接碧霄看山那覺路迢遙途中風警揚州鶴
天上槎臨浙水潮杞梓衡量憑玉尺皇華歌詠雜金鑄
他時更誦平泉集黼黻賡颺和九韶

華燭金尊盛讌開香浮竹葉酌新醕濟時早負調羹望
愛士偏珍奪錦才鎖院簾櫳如水靜公門桃李倚雲栽
陽春白雪誰能和共仰星輝列上台

牟溫典
冊如

寵任承

天詔文衡屬地官江東爭御李斗北共瞻韓秉赤心源

徹垂青眼界寬感深知已遇琴調許重彈

梅嶺探春日蓬山取士年雪霏星使至雲集月仙聯玉
尺量無爽金針度有緣仰酬忠藎意報國得名賢

皇華傳巨什小草敢追蹤一讀琳琅集全消磊塊胸奇
才爭宴鹿俗吏羨登龍攬取湖山秀冰心答

九重

福星輝遠耀風鶴靜深秋武備停戎馬文光逼斗牛芝
蘭千室萃桃李一門收

聖眷方虛左調梅早卜甌

彭慰高 誦生

秋典於冬舉諸生慶得師夔龍瞻位望麟鳳想威儀聽
履星辰近持衡雨露滋拜書

中秘地弭節小春時鼎寶占梅早郵籤問菊遲珠傾囊
百琲珊結網千絲典胄員曾備分符跡尙羈鯉庭通問
訊雁序荷恩私公於乙卯監臨京兆
試慰高弟祖賢獲雋郢雪高難和商霖
廣易施卿雲賡八伯載筆願追隨

嚴家承蔚生

恭肅奉

丹詔持節出

鳳城駕言向南邁攬轡思澄清汶水瞻車渡岱嵐驄馬

迎袁浦素波映蘇臺斜照平英詞織錦繡采藻霏瓊瑛
嵯峨雙天目武林返前旌冬煥桂逾茂春早梅始萌願
言培善禾相期茁芝莖玉衡瞻北斗珊瑚網羅東瀛翹材
貢

紫垣金奏鏗咸諷

呂光謙 易堂

丹詔恩濃承

北闕皇華載詠使臣勞詩懷浩蕩江河助文筆嶽峙泰
岱高兩瀨衡才瞻雅度三年大比仰清操一編讀罷琳
琅滿郢曲誰能和玉璫

程培勲

曉崗

駿望隆山斗掄才

簡命新皇華傳巨什大雅壓羣倫奎璧昌文運烟雲養
性眞和羹徵瑞應賡拜侍

楓宸

張致高

遜侯

詔許乘輅擁使旌輜軒到處紀雲程千尋泰岱崢嶸筆
九派河流激盪聲驛路梅花傳早信月輪桂樹盡冬榮
量才更譜萃笙曲六蠶還

朝樂載賡

侯景紀之

搜巖采幹徧寰區東海還留照乘珠天上

文星高北斗人間藻鑑朗西湖秦關百二詩囊草浙水
三千鐵網珊瑚一曲霓裳同日奏自慙巴里濫吹竽

特簡文衡

帝眷深壖篋況許奏同音輶軒水驛兼山驛桃李新陰
接舊陰自有文章華黼黻卽看篇什富球琳嶺頭已逗
春消息賦到梅花占

上林

鸞綽親承出

九重星查貫海已初冬皇華馳驛吟懷壯國士騰驤喜
氣濃自有冰衡嚴鑑別更無珊網受塵封鳳池指日興
龍集聯步同聽

紫禁鐘

步 怨堂
中丞韻

何福恩 蓮波

輜軒承

命急馳驅驛路新詩賦載途驚嶺花殘榮桂子龍宮潮
靜得驪珠錦囊滿積思前哲珊網宏開繼大蘇博採民
風兼歲事上孚

宸眷重嘉謨

曹建春 旭梅

仙仗繽紛瑞靄迎，爭看星使駐行旌。
節頒遠道氛俱靖，珊網重淵浪不驚。
玉尺鴻裁操卓犖，霓裳新詠奏承平。
遙知民物關心甚，下里頻傳雅頌聲。

孫夢桃 仙植

今人居又古人稽，忝列海防東與西。
欽若任東防 夢桃補西防同譜

同門空玷譜 欽若幸同門 夢桃幸同譜變齊變魯竊嘲齊 欽若居齊 西界夢桃

居齊東界虛名自愧如，箕斗大雅咸知仰璧奎。
衣鉢傳來承

齒及眞珠字，字映玻璃步。
步司農贈內 監試收掌元韻

孫欽若 敬之

雲漢昭回臨月卿郵籤緊數前程

絲綸簡在

恩崇錫黼黻章成化遠行西北長安新氣象東南嘉會
大名聲奮來武衛敷

文教載詠皇華拱

帝京

步司農和麒玉
符學士見贈元韻

三星五鼓四躊躇十萬芙蓉碧落間遙望天門臨海岱
高瞻日觀俯淮徐仰來山斗猶如爾采去菲葑不棄予

卽此雲生知雨遍澄懷寫處遠懷攄

步望泰
山元韻

震澤乘來破浪風淮南一渡下江東雨天霑被科名草

雲霧披開榜岸逢，鸞鳳大材歌古柏。龍螭高陞樹

宸楓，梓楠收拾回何日？天下文章號鉅公。

步平望道中元韻

那宜置散與投閒，艱厥臣惟力克艱。頷下探驪深越水，

峰頭立馬峻吳山。西湖月望三潭印，北海風高萬里還。

玉節馳驅梅驛使，春華藻耀喜

天顏

步武林驛館元韻

胡澤浦雲次

使節星馳路幾何，一鞭秋影動清歌。關河萬里風雲壯，

戈甲千山感慨多。出匱珪璋從此貴，揀金文字不嫌苛。

龍飛鳳舞淵源厚

郭璞云：浙江山勢龍飛鳳舞，其源起自長白山也。

寶氣蒼茫

任揣摩

敬步司農賜詩元韻附錄見子堯戴和詩

自慙頑璞遇隋何巴曲難賡白雪歌千里皇華瞻闕

遠一時桃李及門多采珠渴想探驪切解網欣除暴

虎苛

時甯海賊平

敢說衙官攀屈宋辦香低首拜維摩

賜詩

有楚才多之語

梅花東閣共推何愛日欣傳五袴歌好學官高從古

少憐才心下感恩多醉翁聯句歡無厭

歐陽公貢院較藝詩相從

一笑歡無厭

杜老論詩律轉苛自媿貲郎愁飲墨暫同文

字獲編摩

再步元韻呈恕堂中丞

崇實 樸山

三千驛路去迢迢若渴求賢答

聖朝滿紙琳琅何所似泰山雲氣浙江潮

己未秋闈題紀遊草四律

劉成忠

子恕

司農清望冠卿曹

帝遣衡文擁絳旄使者輶軒千里遠諸生聲價一時高
堂前鑒朗懸秋月筆底瀾迴湧暮濤三月程途詩百首
元龍意氣古今豪

燕齊僕僕迭征驂勝境烟霞次第探早有才名傾日下
飽看山色過江南定知裁剪非刀尺行見搜羅盡梓楠
棖觸平生釣游地編中一一我曾諳

網得珊瑚海上來

帝鄉咫尺望中開
歸裝但有新詩卷
結習依然舊秀才
果敢早蒙

明主鑒賢勞
欣見使臣迴
文章報國由來重
長傍薇垣
列上臺

今年銜

命棘闈中管領
羣賢集至公
階下文光齊
射斗門前關
節不通風槐陰
覓句千條綠
松火煎茶五夜紅
慚愧騷
壇叨侍從
邯鄲學步總難工

典試浙江記程草卷一

吉林寶琿

和麒玉符學士見贈元韻

九月初四日
鄉縣固節

都門作由長
新店還寄

持籌忝竊附農卿豈意持衡速驛程

試期已迫奉
旨兼程燭物

每愁銀海炫照人誰似玉山行

帝開珊網才無棄天助金飈秋有聲蘭雪和難笑遲鈍

鴻裁研鍊仰都京

附錄原唱

天將玉尺畀名卿五日爲期刻去程錢穀乍辭

明主問輜軒爭豔使臣行廿年舊業追鴻筆九
月新霜度雁聲聞道東南多竹箭相期搜采貢神
京

良鄉早行

初五日第二站涿州涿鹿驛七十里第三站新城縣分水驛七十里

細麥如針匝地青涼颼撲面野花馨無端撩撥閒心緒
秋露秋烟郊勞亭

遙山翠碧閃朝陽迤邐隨人引興長更愛琉璃河兩岸
蘆花初白柳微黃

琉璃河卽景

溶溶聖水淨玻璃秋色長堤接短堤沙草路平牛步穩

荻花風緊雁飛低鐵槍有客頻推重

鎮橋鐵梁野老砥謂之王彥章篙

柱何人待品題極目帆檣林立處規模似否浙東西

涿鹿懷古

我來景慕古軒皇霧掃蚩尤武烈揚鐵額銅頭空崛強
繡衣黻冕自輝煌一州斗大雄關峻雙塔雲橫曉氣涼
俯仰有能何處問恐教野老費猜詳

晚到新城卽事

指點新昌界蒼茫暮靄凝黑濃村社樹紅灼考官燈

口道

等村樹木濃蔭路無火把卽以官銜燈引

急遞欣持節

兵部用五百里飛遞爲兼程也

高情

自飲冰僕夫聞告瘁

戊初到驛行李家丁丑正始到涿州夫馬遲延之故頓遣旅

懷增

次雄縣作

初六日第四站雄縣歸義驛七十里

參差雉堞暮雲間遼宋分疆水一灣憑弔楊家眞將種

秋風斜日瓦橋關

三關之一宋楊延昭所守

流水環城直復斜白溝風景湛清華吟詩我亦何承矩

十里汀洲紅蓼花

何承矩守此作蓼花吟

過十二連橋作

初七日第五站任邱縣鄭城驛七十里第六站河間縣瀛海驛六十

里

連橋十二亘長虹想見當年控制雄霧挾水痕雙岸白

是夜大霧

燈搖雲影五更紅

時方寅刻

輿夫躑躅貽非笑

該縣夫役不善

肩輿詞客馳驅矢匪躬馬太史亦行盡陂塘廿餘里曉烟接踵而行更喜翠濛濛

鄭州道中

蕎麥青垂露氣稠棉花白燦隴雲秋我今已自成圖畫
野菊香中過鄭州

任邱縣境書所見

瓦屋鱗差一律平瓜壺豆菽告秋成屋皆平頂上暴禾稼蓋藏故
向人宣示衣錦多應怕夜行

過石門橋野趣賒秋光多在野人家一鞭指點新中驛
紫翠盈坡苜蓿花

河間府四絕句

初八日第七站獻縣樂城驛四十里第八站交河縣富莊驛四十里

此間綽有獻王風爾雅溫文比戶同羨煞寅清賢太守

查太守由禮部出任

前身名註日華宮

日華宮河間王築太守名日華故戲及之

憶昔光分藜火青筆花璀璨照冰廳誰知使節經過地

又見瀛洲第一亭

亭在府城內

輿蓋穿街肅隊行居人夾路看文旌不知瀛海樓何處

野草閒花秋滿城

城內曠地甚多

河間王事豔名流五代瀛王蹟亦畱一樣榮華誰判別

麒麟荒塚野烟秋

獻縣樂城驛作

碧樹蒼烟一抹痕樂陵臺古驛名存千秋剩有梧桐月
曾照吟詩薩雁門

薩天錫獻縣樂陵臺詩
有獨倚梧桐看秋月句

馮家河七古

五朝八姓無愧怍癡頑老子真長樂高平阻戰稱忠謀
柴家天子山終作位兼將相亦何常柔佞居心工附託
始知剛方有大節千古豪傑同鑄錯僕今行過相公莊
相公莊馮道所居
見花王閣剩稿流水垂楊照城郭吁嗟乎勢位富厚
良足多至今人識馮家河

宿交河縣富莊驛弔殉難大尹孔菊農同年慶銓
問天天意竟如何如許賢才罔護呵忠孝一門光曲阜

長子孝廉某亦殉父難

風雲千古壯交河

縣建專祠第三嗣君請楹帖余書此二語今仍

用無知草賊黃巾橫有限花封碧血多遙向祠堂深拜

手葉聲作雨感庭柯

驛距縣城三十里不克躬詣爲歎

阜城道中

初九日第九站阜城縣阜城驛四十里第十站景州東光驛四十里

胡盧河水白茫茫漢阜城邊秋草荒

帝畀文衡趨兩浙路逢佳節喜重陽四圍天色雲垂碧

幾處人家菊綻黃今日

皇都多樂事題名唱賣興飛揚

京闈是日揭曉

景州風雨

天將秋色供詩料風雨重陽到景州卻羨路旁田舍叟

菊花盈把笑昂頭

景州懷古

黃葉晚蕭騷條侯此建旄

景州古條地

諸村環水靜

村多環水景似

江一塔入雲高

塔頗著名

颯爽風常振淋漓雨亦豪

是日急風驟雨

青山誇竇氏憲也豈英髦

贈德州牧張芸軒同年應翔

初十日第十一站德州安德驛八十里

拔萃科名重陵州有古風詞華唐杜牧政績漢吳公此

日萍踪合當年蕊榜同征夫期促迫分袂笑匆匆

曉過平原

十一日第十二站平原縣桃園驛七十里第十三站禹城縣劉普驛七十里

旭日光紅野雲紫平原原上涼如水美人不惜好頭顱

信陵亦羨佳公子白玉壺傾金屈卮胸中壘塊碧翁知
天下何處覓肝膽市上時聞買繡絲

平原感懷

蒼茫雲木古關河攬轡低徊撫大阿魯國初年賢守著

謂顏魯公

漢家諸路黨人多

平原獨無今古賢之

前驅相引難登眺列

郡誰詳費揣摩厭次歲星應大笑

東方朔平原厭次人

笑余借境

逞詩魔

禹城詠古

漢祝阿地

社稷尊光武風雲壯祝阿笑伊張步輩奈此耿弇何賊
膽銷山澤軍聲足鵲鵲俠游有賢嗣搔首幾婆娑

入禹城界初見山色欣然有作

不見峰巒久相逢若故人碧含雲氣重翠潑雨餘新靜
穆忘今古崇高護鬼神吟鞭遙指處瀟灑絕纖塵

晏城

十二日第十四站晏城驛四十五里齊河縣二十五里共七十里

濕烟如夢遠風柔隨我籃輿興味幽忽見天邊新霽色
曉山蒼翠晏城秋

出齊河縣作

十三日第十五站長清縣嶺山驛六十里第十六站長城驛六十里

馬周今日意云何

謂湘浦太史

似否乘槎到大羅坐看舟人

同打槳浪花黃捲渡齊河

齊河本清爲黃河水所灌故色黃而洶涌

遠山重疊繞青齊河水泱泱浪拍隄兩袖清風涼撲面

蒼烟黃葉穆陵西

輿夫謠

田家作苦事耘耕僱役應官亦健行
前後齊聲泥滑滑宛如山鳥自呼名

高低上下快乘風最喜坡陀宛轉通
也似淩雲飛健步左登空唱右登空

入長清山境

眼前無數碧岩巖古木疏烟路幾條
縱有丹青難畫得箇山村落雨瀟瀟

山村卽事

磴道螺旋上輿夫雁序行炊烟時滃鬱野老自豐亨澗
樹擎雲立山田帶石耕此間容大隱端不羨浮名

由炒米店之范莊

細雨添秋意西風作嫩涼雲蒸山欲動

雲罩山頂上與天極石滑

路偏長頓覺清如許伊余暇未遑塵勞渾忘卻小詠寫
相羊

自崗山赴長城驛雲水悅目喜而賦之

重巒複岫容譎詭流水平橋照清泚桑麻雞犬自田園
疑我前生曾住此今我此日歌皇華焉能卜居餐烟霞
洞中仙子粲玉齒俗骨難見桃源花天風環珮泉聲涌

鈞天夢幻神俱聳霓旌絳節紛有無雲氣濕裾山翠重

泰安迤西山中卽景

十四日第十七站泰安縣驛
七十里第十八站崔家莊驛

四十
五里

鳥語溪聲是處聞此中清寂少塵氛山民垂癭渾疑樹
野屋依巖半宿雲蠟屐每思追謝客下車直欲訪徵君
往來幾許輜軒使曾否掄才畛域分

望泰山

崇高景仰幾躊躇仙境靈奇問石間天帝式憑依日月
兒孫羅列鎮青徐秦皇跡遠誰思古梁父吟成最起予
旋軫行當凌絕頂白雲滄海壯懷攄

晚渡汶水

無數平田繡汶陽魯齊舊跡久微茫
兩三尺水界官渡
四五箇人撐野航暮靄高低林麓黑
斜曛明滅岸沙黃
善辭猶憶子騫子歸隱何虞權貴強

徂徠山

十五日第十九站新泰縣楊柳店驛
六十里第二十站新泰縣驛六十里

徂徠山下路積翠曉濛濛
隱逸溪邊竹支離嶺上松
宋儒尊守道魯鎮話提封
往事難詢問茫茫樵客踪

鸛雀嶺

昔聞鸛雀樓今登鸛雀嶺
鸛雀下方飛白雲澹秋影

山行卽景

峰嶺自東西行行望欲迷地高先見日水折屢成溪振
袂聯鵬翼前驅信馬蹄眼中生趣足秋草綠萋萋

楊柳店

云何旅店呼楊柳楊柳依依管送迎想爲折腰能習慣
涼風涼露總含情

喜珠河戲作

悟徹人天喜河名亦喜珠有情皆洞照何處不懽娛濯
想銀潢水輝分璧社湖豈惟圓折好餘潤到菰蒲

蚤赴蒙陰有感魯季孫伐顓臾事

十六日第二十
一站蒙陰縣驛

七十里第二十二站沂
水縣梁莊驛六十里

昔日東蒙主年湮迹亦湮顛與無故國季氏有微塵嘆
息權姦輩猜嫌異己人況茲藩翰重難以黨援親遂擬
興金革何須問齒脣私圖籌近固良佐笑緇磷宣聖春
秋筆宗邦社稷臣伐謀誠上策弔古尙餘嗔虎節今經
歷龜山望比鄰依稀城郭是常倚碧嶙峋

蒙陰山嶺重疊村景皆佳晨風雖狂不廢流覽詩
以誌之

風葉捲地黃颺颺山前山後雲天秋村民半住山巖幽
環以綠樹枝柯稠桑榆梨棗椿槐楸柴門陰陰時繫牛
老稚欣然無所求拊頌年穀新豐收含哺鼓腹葛天遊

澗石巉削清泉流旋繞籬落如塍溝沙明水碧紛靈湫
魚鳥翔泳河之洲賢者樂此此生修予也宦海同浮鷗
佳境空向龜蒙搜星輶火急難淹畱笑比仙源逃阮劉
山塘響答誰吾酬時見蘆花點白頭

宿沂水梁莊作

狂士當年妙化裁浴餘歸詠興徘徊迢迢曲阜徒神往
沂水秋風鴻雁來

徐公店

十七日第二十三站蘭山縣徐公店驛
七十里第二十四站蘭山縣驛四十里

阿私情狀徧寰中多少妍媸欲混同旅店命名深意在
大家城北說徐公

蘭山

倚蘭一曲響空山貫耳香名字宇宙間萬壑松風千里月
紅心自豔素心閒

李家莊南途中作

十八日第二十五站李家莊驛
七十里第二十六站郟城縣驛

五十
五里

沙觥村名烟深溪水澄西風落葉滿秋塍土人豔說孫龐
事一髮青山認馬陵

晚宿郟城

險阻盡夷刪青蒼大野閒

山路始於長清止於蘭
山一望空濶心目頓適荒烟

郟子國落日馬陵山雲樹高低外乾坤俯仰間星軺期

利涉何敢憶鄉關

過東海孝婦故里

在郟城縣南有石碣十九日第二十七站剡城縣紅花埠驛

七十里第二十八站宿遷縣峒嵎驛六十里

如斯純孝死模糊試問蒼天醉也無不雨大爲鄉里累
迅雷何弗宰官誅癡心一片傷慈母多口千秋怨小姑
東海穹碑銘泐古故園蒼莽接平蕪

由紅花埠之宿遷

秉節馳驅感

聖恩二千里外望都門秋深沂上紅花埠路入江南黃
葉村烟水四郊披畫稿雲天一碧淨詩魂徐州盜寇聞

猶熾誰把龍韜細討論

鍾吾驛道上

二十日第二十九站宿遷縣鍾吾驛六十里第三十站桃源縣古城驛六

里十

小隊銀刀颭素旗

練壯刀矛前導門旗適用鑲白子鑲白旗滿洲人無心巧合矣八驕

呵擁異平時

前一二日皖匪竄擾宿遷現雖回竄仍有土匪在東界故地方州縣慎之鍾吾

版籍迷鴻雪

宿遷爲鍾吾子故國玉汝詞華豔鳳池

湘浦時在翰林以韓縝況

之不爲

夾道葵花黃灼灼

路旁多葵花大於碗

連村楊柳翠絲絲

北來柳色漸黃斯地尙否

江南一路風光好何必郵程較速遲

轎行甚遲

以此解嘲

見著草鞋者得句卽贈

草草勞人步履輕
水程得力更山程
泥塗振拔眞豪健
道路馳驅自坦平
踏破俗塵期遠到
銷除芒刺羨飛行
貫酸參詠蘆花被
我亦雙鳬笑載賡

湘浦太史馬飲於溪因浴焉飛身躍出笑而索詩
書此以贈

攬轡澄清絕點埃
臨流跳盪藉龍媒
古人佳句堪持贈
雲水光中洗眼來

桃源縣境四絕句
二十一日第三十一站桃源縣五十五里早尖俗名仲興宿邦

溝四
十里

聞說桃源喜氣增
桃花源問路層層
土人一笑知端委

此是江南彼武陵

乃桃園鎮之訛

楮葉離披柳葉尖綠陰門巷景安恬臨流多少癡兒女

河水空明作鏡奩

運河堤寬人家於上

隄上人家隄下田沿隄多繫打魚船深秋景物渾如畫

想見桃花三月天

傳聞虎役勢極極每致居民避長官我本忘機狎鷗鳥

文旌一任萬人看

邗溝道中

籬落成村落陂塘得路斜秋風黃蛺蝶野水白蘋花吳越新詩草山川老畫家癡奴誰解此惟覺道途賒

清江浦寄諸弟書並致意二兄梅谷

二十二日第三十二站清

河縣清口驛四十里第三十三站山陽縣淮陰驛八十里

浦漵勞舟楫家庭念弟兄江湖催曉色鴻雁起秋聲砥

柱中流意

船門所勝

天涯游子情一緘珍重甚汴水達燕京

二弟五弟在汴由汴到都達書三弟

淮陰偶成

韓侯遺跡知何處桐柏山遙淮水深失路英雄愁一飯
得時老婦亦千金釣臺寂寂餘黃土官柳垂垂自綠陰
最憶支祈鎖神禹不矜不伐想沖襟

烟波畫船題句

二十三日第三十四站寶應縣安平驛六十里是晚小泊平橋路距

寶應尚

四十里

烟波看浩渺于役感栖栖岸靜隨帆動天高入戶低榜
人師蝨蛄野鳥伴鳬鷺雅詠誰臨汝斜陽又樹西連日緩行
何勝焦急

夜赴寶應安平驛

二十四日第三十五站界首驛六十里

酩酊香飛金叵羅朦朧寒倚錦盤陀清風一榻響船艣
殘月四更聞棹歌雁驚秋聲晨夢遠魚龍水氣夜涼多
分明泛宅浮家意卻羨蕭閒張志和

劉家堡河上書所見

吳人強半性嬌癡傭販曾誇冰玉姿浴室沿河標識好

菊花香水太平池

門勝日太平池左日菊
花右日香水字頗雅致

龍王廟用杜工部玉華宮韻

遙隄輝朝陽虬松蔭縹瓦廟貌肅龍君淮河走階下古
壁溪毛青牖石浪花瀉霞建赤城標靈旗風灑灑欽惟
上帝命福威柄與假雷電起呼吸蛟蜃策牛馬思欲薦
苾芬秋菊香可把忠信涉波濤余其庶幾者

舟行卽事

余所乘曰烟波畫船門館額曰砥柱中
流爲壬午順天解元王滌源書舟子楊

春華揚州人二十五日由
界首驛至高郵州六十里

揚州明月廣陵濤如此風光亦足豪萬頃田園河水闊
一家雞犬柁樓高珠聞璧社宵輝蚌路擬扶桑曉策輦

昨食縮頭鰯絕美樽前一笑醉香醪

白門

距高郵州十里

扁舟日日趁清溪楊柳蘆花向客低
千古南朝幾興廢
白門依舊野鳥啼

路望高郵

層臺縹緲溯文游想像蘇晁故蹟留
三十六湖秋水闊
蒼烟一點指高郵

舟行甚遲積久有悟

策馬人行健乘船道用柔乾坤環體用日月共沉浮
過眼雲中樹無心海上鷗
漢文學黃老觀水意悠悠

夜赴邵伯鎮作

二十六日第三十六站孟城縣驛
六十六里第三十七站甘泉縣驛

伯驛四十五里第三十八
站江都縣廣陵驛五十里

棹歌聲接大河湄驚起紅鴛白鷺驚屈指路趨揚子驛
露筋名豔女郎祠一灣流水風千里幾點殘星月半規
鷁首涼深仍小立聽渠竊笑箇人癡

卽事

曉鳥翔噪野池塘蘆葉蘆花水渺茫道路傳聞童僕訝
隔湖烽火話天長賊據天長止隔一湖水故高郵盤詰甚嚴

舟中悶坐

道路迢遙水一方連朝葭露鬱蒼蒼地如大樹開熊館

天或神風助馬當轉漕最思蕭相國吟詩誰似李東陽
書生習氣消難盡悶看牙旗夾岸颺

揚州感懷

二十七日第三十九站
丹徒縣京口驛一百里

水色山光照眼清繁華自古羨蕪城忽經黑劫飛螢火

揚州三
被賊擾二十四橋空月明

綠楊城郭阮亭詞名輩風流想見之今日我從城畔過
淡烟衰草碧離離

迷樓底處問隋家曠野羣翔白項鴉蝴蝶無情仍有意
雙雙飛傍玉鉤斜

瓜州渡口響秋風浩淼長江接碧空千古英雄問誰是

佛狸祠畔夕陽紅

卽景

官舫牙旗風卷舒中流輕駛興何如
荻花深處老翁笑一棹近舷呼賣魚

由瓜州渡江

大江東去水迢迢風景依稀似六朝
上界眞靈尊岳瀆中流砥柱峙金焦
浪花浴日純同潔雲葉隨人櫓共搖
卻笑神仙矜氣骨郭公墓捍伍胥潮

丹徒河口曉發

二十八日第四十站丹陽縣雲陽驛一百里第四十一站武進縣毘

陵驛一百里

江水潮深河水長布帆風穩指丹陽平隄閒靜秋容老
短蓼疏紅苦蕒黃

苦蕒猶花
足徵地暖

丹徒舟中

放棹烟水中不知幾里許山遠抱坡陀沙迴明洲渚崖
花露朶碎岸樹風葉舉時聞欵乃聲涼和征鴻語

舟行丹陽橋洞戲成四十字

舟成利濟功梁作虹霓狀奔走彼何人居然出我上既
據形勝地無負崇高望題柱銘此言風霜字激壯

毘陵驛

常州晉
名毘陵

伯牙瀆畔月斜臨山自高高水自深數曲漁歌響天籟

更於何地問瑤琴

伯牙瀆伯牙棄琴處在常州武進境內

過無錫作

二十九日第四十二站無錫縣錫山驛一百里

無取礦中錫常歌天下清自周傳吉語於漢著嘉名涼

雪慧山水高風泰伯城我詩同古諺聊以寫郵程

有錫天下

兵無錫天下清周以來卽傳此謠光武因以名縣

夜赴姑蘇

木蘭船穩任西東更促蝦蟆漏滴銅響屨夢蕪麋鹿圍
峭帆涼浸鯉魚風寺鐘擱岸清霜白漁火疑村別港紅
慚愧王琪豪放意一天梅雨萬花叢

督標護弁回轅聞晏中丞同甫舟駐楓橋因屬致

意

三十日第四十三站
蘇州姑蘇驛九十里

不識楓橋路匆匆舟已過豈知晏平仲暫泊水雲窩交
久深情洽秋高涼意多會當寒臘後京國聚婆娑

蘇州四絕句

蘇郡名區豔虎邱碧波高漾遠天秋如今縱說生公法
石恐冥頑不點頭

吳苑淒涼起暮雲採香徑古淡斜曛牧童何解興亡事
笑看銜花鹿幾羣

曾聞張繼泊楓橋月落烏啼感寂寥我迫庚郵停不得
櫂歌清和木蘭橈

溧水妖氛羽檄忙君謨籌筆費猜詳贈君一語嗤然笑

惱斷蘇州刺史腸

蔡大守映斗談及溧水賊氛深爲扼腕故戲及之

晚趨吳江平望驛

楓落浪淙淙斜陽淡水窗榜人聞笑語前路是吳江

平望道中

十月初一日第十四站吳江縣平望驛九十里昨夕子刻泊吳江馬頭今日

早赴平望微雨第二十五站浙江嘉興縣西水驛六十里

一棹中流策曉風豪情誰唱大江東雲低震澤翠侵榻

雨重吳天涼到篷樂歲連村看碧稻

晚稻被隴未盡收刈疎林夾

岸寫丹楓永嘉人物今何在邁往端宜問謝公

嘉興府二絕句

秀州城外柳青黃流水彎環白石梁普度金針天最巧
滿湖文采看鴛鴦鴛鴦湖近府城界

分湖紫蟹重盤殮金粟峰高翠埽門蘇小小墳人共豔
清風誰羨白牛村宋陳舜俞隱處

石門卽事初二日第四十六站石門縣驛一百一十里

小西湖水碧沉沉走馬岡環快賞心吳王走馬處在石門界烏柏

半隄梅雪豔

隄樹多烏柏白球璀璨

黃蘆幾曲竹烟深蘆勁如竹狀可喜

放懷陸相踪難溯屈指逋仙跡可尋明日到杭州卻笑送迎

人僕僕渾疑佳境到山陰

嘉興自太守協臺以下皆送杭城自中丞藩臬以下皆迎

名紙紛如應接不暇

喜到杭州

初三日第四十七站吳山驛五十里第四十八站武林驛二十里

小陽時節過臨平

本日立冬

白露蒼葭照眼明雖少藕花幽

興味稻田卻喜報秋成

五月臨平山下路藕花無數滿汀洲宋詩僧句今非其時矣臨

平在塘栖界

杭州雜詩

餘杭仙姥事虛無我亦長安一酒徒
記與李筌同筆硯
驪山樹底註陰符

天目山高俯大江西湖佳趣滿漁矸
水仙祠畔多幽徑
白鶴入雲時一雙

南峰雲接北峰雲武穆祠堂日又曛
趙宋君臣同寂寞

西風黃葉各紛紛

潮奔白馬浪花粗八月奇觀十月無翠阜紅樓霜曉幻
可能海市例髯蘇

初到武林驛館

偶於道路得寬閒頓覺馳驅忘阻艱豈有文章昭日月

祇因興會助江山入城已動諸生喜

杭城不意主考到省如此之速街市

賣考具處士子瞻望道旁

適館真如倦鳥還

江南登船以後船戶

者紛如堵牆皆有喜色

絳夫等諸多淹滯不知

風景曾聞阿兄說

已亥浙闈梅

費幾許氣力也倦極

考官今我重庭柯

公館廳宏敞寢所小院

來亦佳話也

庭柯眄處想怡顏

古石頗幽閒以桂樹玉

蘭晚菊猶花足可

悅目昔當尤勝

附錄杭城續作

出題紙次日監臨胡中丞恕堂以七律見示卽步

元韻

四首

芝雲五色絢重重蕊榜宏開喜孟冬玉尺冰壺臣志肅

金花銀爵

主恩濃

藩臺循例致送

龍門望峻旌幢駐鳳紙光寒鎖鑰封同

此靖共將事意霜天聽徹遠山鐘

特拜

恩綸下

九重士林嘉惠及初冬胸羅成竹鴻猷遠筆絢奇花鳳

藻濃玉節金和高著作吳山越水古提封使君風雅余
慚甚笑擬鷓鴣聽鼓鐘

魚龍百萬浪千重變化何分秋與冬佳士毓鍾山澤秀
大材磨鍊雪霜濃咸欽節度求賢亟恰喜閭閻比戶封
聖主酬勲應更渥豈惟獻子賜歌鐘

聞道佳章錦段重盛唐風調壓韓冬

中丞自云入闈後得詩三十餘首

房謀杜斷天才偉陸海潘江墨采濃九轉正偕丹鼎熟
一編雅稱紫泥封嚼吮音節知何似陡憶坡仙記石鐘
中丞復以考簾各題七律見示其非躬歷者不敢

屬和謹就筵宴入闈題紙三章恭次元韻

三速欣從驛館來高牙大纛綺筵開君侯卓犖無雙品
典禮崇隆第一回紆紫共瞻雲入座潮紅誰笑酒盈腮
宴闌士女傾城看人海眞成豔瀕堆

筵宴

一天瑞靄麗晴暉輿馬喧騰捲地飛南國鹿茸宜夏屋
西風蟾桂豔秋闈主人惠我澄賓榻使者循資絢繡衣
最好協忠堂上過爭誇文陣肅旌旗

闈入

試律時文慎選題疎疎密密欵行齊萬人心血期融貫
幾度牙籤費考稽墨帶松雲光白地板同竹牒照青藜
遙知矮屋揮毫客洛紙聲名不肯低

題紙

題胡中丞恕堂聽禪圖

慧命須菩提離欲阿羅漢豐干豈饒舌天花自璀璨
流水古松碧空山野芋香佛云不可說言象兩俱忘
中丞題紀程草頗見推許卽次元韻

驚看神珠應手馳盥薇雖誦幾多時半窗菊影淡疑畫
十月梅花香蘊詩湛露承

天求碩彥福星撫浙慶昌期臨文愧我荒疎久願借江
淹筆一枝

贈孫敬之同門

欽若

孫仙植同年

夢桃

二太守

同門同譜笑參稽襄事詞場喜浙西四海情原兄弟洽
二難名欲僅何齊聯肩此地皆仙佛

敬之內監試
仙植內收掌翹首

何人羨斗奎心地空明堪共證一天霜月浸玻璃

胡雲次觀察

澤沛

以嗣君七律見示炳然可觀閱

卷之暇作此以深欽佩

春秋家學問如何浙水欣聞蘭雪歌橋梓聲華吳地貴

父子以道員縣令均筮任浙江詩書氣味楚材多

雲次湖南人

振麟共喜門

將大繡豸還欽政不苛撤棘更期親炙切好將德業勵

觀摩

外簾有紗帽紅袍神現傳云最吉內監試等燕香

祝之詩以紀事

協忠堂畔見依稀云此文星耀棘闈托足地應推紫府

點頭人或認朱衣吾曹忠直酬天帝眾說休祥任是非
戊午初冬廿二日歌謠聊以誌風微

題韻梅閣遺草

胡雲次觀
察亡女作

韻梅閣畔冷雲癡天意蒼茫莫問之血肉一肱慈母藥

有割臂
療母事

烟霞千古謫仙詩牀前嬌小憐兒在

時有子
四齡胸

次經綸有弟知

伊弟蔭庭謂
其有經濟才

羨煞門楣培植厚鳳麟振

采耀同時

胡中丞約游西湖流覽數處岳墳蘇小墓因昏暮

未到歉然作

蘇小小鄰岳忠武美人名將俱黃土野草幽花各一區

英風豔質同千古勝游觀止湖心亭昏黃悵望空芳馨
雲車風馬渺何處暮烟莽莽孤山青

張星伯前輩有靈隱韜光之約亦因雨阻未往感
而賦此

攀躋有約健行滕湖雨湖雲障幾層深負烟霞虛石窟
更勞蔬筍望山僧

云到靈隱蔬食
辜負此僧矣

水仙路隔林風峭陸

相祠荒暮靄凝嶺上梅花香欲笑笑人俗慮未全澄

浙省還轅紀游草卷二

吉林寶琤佩衡

杭城誌別

十一月二十日是日
船泊大關迤北陰雨

友朋惜別話寒溫共喜朝

天謁

至尊慚愧諸生遠相送瀟瀟細雨武林門

大雨滂沱諸
君子情誼可

感副榜門生李大
章亦來殊爲愴惻

夜泊唐棲

二十一日
陣雨時作

旅跡唐棲路扁舟此暫停山光低岸碧燈火向人青有

客談偏愜

沈叔卿振之爲儀曹舊屬由
晚到杭附舟同行日常晤談

誰家藥最靈

買姚

致和痧氣等藥貨此非止
一家不知誰爲眞僞也
柝聲寒斷續響答水泠泠

舟次雙橋有作

二十二日雨勢益大橋在唐
棲鎮北二十餘里額日豐年

歸帆斜指路迢遙滿目寒雲鎖沈寥膏澤一旬飛白雨
十二日出榜卽雨今已十日矣豐年兩字喜紅橋敢云鑒拔皆名士祇
有驅馳答

聖朝回首杭城勞想像幾人團坐話星軺

望石門未到

石門三十里望望屢心勞笑我慣行役壯游時自豪舟
平兼雨重樹短覺隄高喜見沙洲外閒鷗刷羽毛

萬年橋北舟中作

二十三
日雨陰

舟楫任浮萍蘋洲接蓼汀樟陰團霧黑蒲影蘸波青蕞薄

類蒲高四五尺土人呼爲霸王草沿水皆是則蒲之而已矣

往跡詢吳國奇文注水

經子懷殊渺渺驛馬韻流鈴

蘇東坡先生三過題詩處

碣在嘉興府南對門橋界西岸是時雨勢沛然

如盛夏時未能登岸詳核爲歉

滿江烟雨鎖空濛岸碣名標玉局翁野水荒祠冬黯淡
銅琶鐵板古豪雄居心忠耿應知我下筆恢奇最羨公
欲考端倪愁滑澆蘇隄曾認雪泥鴻

赴平望作

二十四日天陰風大

伊軋時聞響櫓牙王江涇上日初斜翠烟橫野遠沉樹

白浪戰風寒噴花一路蕭蘆殘葦地幾灣鷗子雁奴家
篷窗靜坐眞軒爽放眼天涯接水涯

舟次卽景

越水吳山迤邐回眼前風景足徘徊橋梁半作虹霓亘
門巷多迎港汊開弱縷碧含隄畔柳好花紅憶嶺頭梅
明朝更喜姑蘇到勝覽姑蘇百尺臺

蚤起口占

二十五日
早風夕雨

旅枕難成寐風聲雜水聲遙天聞雁起短几有燈明斷
續鄉關夢馳驅仕宦情舟人無意識款款計歸程

隄外野塍小屋四五尺許鱗次相接問之則皆浮

厝者薄俗可憎慨然賦之

螻蟻鳥鳶共頽風卽目存子孫朝醉酒燐火夜成村無
復真情寄惟將吉壤論長官如念此枯朽普仁恩

白龍橋舟中作

地在吳江適東十餘里

盡日江行盡日陰北風吹送雨悵悵釣砵确榮榮魚籊
人語鉤輶作鳥音撫境備觀雲水態濟時每仰

聖皇心

皇上軫念東南有回京面奏之旨

白龍橋畔輕帆過無限

幽懷付短吟

晚過吳江

寒雨吳江晚放船望中隨處總澄鮮萬檣集岸水光直

一塔插空雲影圓最愛信明佳制作況兼震澤好山川

懽然傾蓋逢良友苗裔羣推鄒嶧賢

震澤與吳江同城大令孟學山繼堯

人極樸誠

一見如故

姑蘇晨雪

二十六日雨寒作雪

棹歌欸乃欲驚鷗寶帶橋邊碧水流帆影回旋城角轉

滿天梅雪豔蘇州

曉發蘇州

二十七日雪霽風寒

帆葉凍飄蕭雞聲破寂寥五更人意倦和夢過楓橋

澣墅關舟次

竹青橋下碧鱗鱗江海遙通此要津

額曰江海通津鶴市故墟

雲汗漫虎邱高塔石嶙峋

虎阜在望

靜觀流水心神曠更喜

遙山面目眞卽景倍深籌

國意釐清樞務問何人

遙望洞庭諸山

積雪白班班蕭森松竹閒側聞太湖水中有洞庭山雲
霧深林秘龍蛇大澤間阿誰愜幽賞想像列仙班

無錫舟次望惠山

二十八日天晴
日朗風仍寒峭

惠山紫翠倚穹蒼金碧叢林送夕陽古磴烟霞供嘯傲

鍊師花月待平章

聞多師姑刹宇
雅潔茗泉佳妙

帆檣順利愁難駐僮

僕傳聞喜欲狂

從惠往游
實有不服

天下名泉誇第二有人餽酒

潤詩腸

大令陸以賢
餽惠酒一罌

舟行將次惠山迤北再作放歌

昔我來思夜將中迴峰疊嶂青濛濛夢游天姥將無同
今我返棹日方午風光細膩遙堪數翠盈襟袖如翔舞
未能登陟慚山靈斜風蕭颯吹郵亭茶神降鑒其余聽
香篆金猊消幾炷萬斛乳泉眞渴慕白雲碧靄樟楓樹
黃陵夜渡

或有黃陵廟偏逢黑夜時中流頻打槳兀坐自敲詩流
水靈妃步荒烟帝子祠舟人難問訊過境屢猜疑

宮保何根雲前輩招飲常州節署

二十九日
天晴微風

館閣尊前輩東南倚大臣門牆羅上將

張帥國梁執弟子禮甚恭

鉞有深仁

籌餉以養士因委員乾沒立予正法

委婉言皆中昂藏氣自伸

紅燈兼綠酒俯仰總經綸

軍情洋務言之慷慨

夜泊呂城

三十日晴風穩舟子狡猾泊此距常州五十里

周郎一炬阿瞞驚底事孫劉復構兵悵望千秋有遺恨

野風寒到呂蒙城

呂城曉發

十二月初一日東南風利晴

寒風一夜臘初天碎白冰花淺水邊舟子藉端頻作勢

沿河喚取打凌船

俗名釘船可以打冰

晴日融和喜數朝東南風順便征軺長堤時見青如畫

宿麥苗連蠶豆苗

片帆風飽利遄行指顧丹陽抵縣城不怕馬橋冬水涸

連朝喜有暗潮生

東南風潮信必大

晚由丹陽湖堤之鎮江

初二日天晴捨舟而陸

丹陽湖上夕陽邊暮色蒼蒼遠接天水鳥濛波千頃碧

野雲低岸四垂圓江山六代時如昨草木三冬態自妍

俯仰頓教心目爽任他舟子鬧喧闐

舟滯丹陽船戶揚春華諸多淹滯棄

之而去亦云快矣
爲之心境一開

由京口夜泊沙頭

初三日風順過江

青蒼京口鬱崔嵬今古賢豪屢溯洄嶺表靜銜新月出

江聲寒捲暮潮來金山仍具靈奇態

寺殿於賊遠望自佳

玉樹空

憐綺麗才路接石頭須直搗所期渾濬莫爭猜

諸帥合圍金陵

矣企予望之

由閘關江景

初四日風大江流有聲

水風激激峭寒生由閘關前鼓櫂行萬頃澄波高岸迴
數行疏樹遠村平旗標試浙頭街肅路近維揚手版迎
最喜浪花看歆薄文瀾悟到筆縱橫

追憶杭城風景宛在目前作杭州竹枝詞

十二首

杭城壯麗寫難工街巷蟬連曲折通

杭人衛衛多呼爲衛

大小手

同垂手舞

不問方向有大手拐彎小手拐彎之說

道途誰復辨西東

臘初芳草碧豐茸那有梅梢霜雪封此地渾疑仙境界
但知春夏忘秋冬

錢塘門接古之江鳳舞龍飛天目雙珍重地靈鍾毓厚
固應文獻數名邦

西湖自昔話銷金翠岫迴環碧水深仙佛聖賢同淡漠
緣何蘇小最關心

湖心亭子照漣漪一片清光動客思秋水蘼葭人宛在
文瀾閣畔陸公祠

五柳居仍播盛名法疑五嫂宋家羹酒香竹葉新筍熟
魚美桃花醖醋烹

門外長橋橋下河納污藏垢此中多可憐三五盈盈女
自浣衣裳坐綠莎

趙宋遺風官樣妝細雕梳櫛說黃楊長街短巷多相似
積祖爭誇王老娘

方伯衙前水簇鱗巨龜躑躅勝車輪傳聞庫帑憑伊護
閒煞深宵擊析人

傑閣層樓翠抹烟築成狹巷費周旋何須更詫瞿塘峽
仰視眞如一線天

市肆喧闐做竹扉繁華十倍藉鄉闈助人興會知多少
橘柚清香魚蟹肥

秀華洪福總仙班

杭城優戲止此二班

牛鬼蛇神菩薩鬘

秀華多雜俗洪

福皆

壯年一片江湖歌舞地問誰把酒坐吳山

卽城隍山高據城中江天

在望惜未親到故因戲言之

由萬福橋之邵伯鎮

初五日天晴風順

風雨走濤聲船疑激箭行斷橋餘約畧

橋圯僅存椿誌

雄鎮接

崢嶸苦竹連平野甘棠問舊名賊氛何日掃望望幾團

營

我兵仍駐邵伯旗幟林立

夜赴高郵

指點孟城路郵程樹幾行櫓聲三尺水篷背五更霜犬

吠知村近衣添覺夜涼此心馳

帝闕企慕滿江鄉

看花洞

初六日天晴微風地
在高郵州北十里界

看花洞口看花回無數仙花照眼開今日英華驚焜耀
幾年根柢費滋培粵人漫詡珊瑚樹謝氏眞成錦繡堆
採取恰宜寒臘節江南江北萬株梅

寶應舟中

初七日晴風
早大夕微

故人翩然來廿年談既往朱文定師冢惜別望大隄夕
嗣來舟晤敘

陽在漁榜

劉伶臺

初八日天晴微
風山陽縣界

伯倫昔日此登臺酒德文成亦雋才琥珀一泓酣玉椀

珍珠萬斛倒金罍七賢笠屐隨雲水兩晉山河付草萊
卻羨唐家許丁卯吟詩香對稻花開

許渾有劉伶臺下稻花晚句

淮安城卽事

去歲清班趨

禁籞

七年臘日憶係文職進班

今年返棹過淮陰雪泥鴻爪誰眞幻

水態山容自古今千里乘輶光使節雙弓煮米豔叢林
遙知十地圓通境供養

諸天

敬畏深

是日例詣

雍和宮熬粥

派重臣

清江浦

初九日天晴無風

極浦望清江登臨興未降人家烟際樹估客水邊艤癸
甲誰銘績庚辰此建幢河帥爲庚子仙通津雄鎮控風物重南
邦

別庚河帥子仙

初十日天微陰有風

北海高風南國藩

子仙雅量素所欽畏

懽然握手敘寒暄

聖安請畢從容別禮節巍巍萬柳園

萬柳園爲河帥跪安之所

由桃源赴宿遷途中風雪

十一日朝雪夕霽

九月天宇清南過桃源路今日風雪中北上遄征賦萬
頃白玉屑四野彤雲幕朔氣生肩輿寒聲攪隄樹鍾吾
古城址迷漫失其故我亦如飛鴻東西任所遇慨然發

浩歌沙洲起鷗鷺

峒嵒途中

十二日天晴晨霜甚濃晚風時作

江南北界繞青徐
臘景蕭森臘雪餘
榦葉黃深官道外
枳籬青護野人居
居人籬落多枳俗名臭櫚踰淮而化想不誣也
風雲倍壯文章氣
老稚爭看使者車
屈指岱宗途漸近
天門登眺暢襟裾

紅花埠入

山東界

由郟城赴蘭山

十三日風冽天陰

景物蒼涼催臘鼓
蘭山城郭馬陵西
疏林老屋雞豚靜
荒草平原鷹隼低
井里安恬歌皞皞
風塵馳驟笑栖栖
沂河忽見冰花結
履薄臨深恍命提

晚到沂州

葉聲蕭撼野風涼閒與鄉兵話本鄉話久不知途近遠
瑯琊城外月如霜

沂州迤西山村卽景

十四日天
晴有風

糗糧筐笥各紛陳路入山村景色新
白叟黃童風味古
趁墟多少葛天民

巖腰澗曲幾人家畫寫雲林未足誇
繞屋數行高下樹
棗梨柿杏野山查

青駝寺晚尖赴梁莊山行卽事

月輪高揭側金盆山徑迴環古趣存
屋宇模糊銜石罅

河流清淺漱雲根，輞川似否看如畫。
栗里歸歟賦載奔，勞勩渾忘詩興發。
梅花香夢問前村。

未至梁莊戲作

我行殊未已，始知征人苦。
亂石紛縱橫，輿夫怯艱阻。
重遠弗勝任，十步九卓杵。
遙峰望空濛，松陰月當午。

蒙陰策馬有感

十五日天寒
日朗夕風

牽來似覺喜非常，珍重吾家老驢驢。
畢竟受恩知感激，故思效用騁康莊。
秋高沂水精神健，九月過沂因江南
舟楫爲用託太守
成芝亭畜之翠踏蒙山意氣昂。
愧我難希褒鄂烈，一鞭風裏

趁斜陽

新泰縣楊柳店驛俗作羊流作詩紀之

十六日天陰有風

楊柳羊流聲近似方言舛字兩朦朧馬畱起例人誰問
豕渡承訛理或同四野雲山今孔道萬家烟火古瀟風
吟詩小備輿圖考掌故他年記大東

白石嶺石廟

廟奉碧霞元君相傳有武弁夜失道禱於泰山之神紅燈引路因有鑿石

爲龕奉祀事今已修有小剎巍然在嶺策馬登山於此小憩

巧斷危巖石金容湧玉毫龕深依佛古雲靜讓峰高苔
草縈竒字松聲答怒濤潔馨來往薦忠信孰溪毛

崔家莊早行用柳子厚獨釣寒江韻

十七日天晴風大

天高纖翳絕遠燈互明滅悄焉生曉寒徂徠有積雪

重過泰山有感

岱嶽尊嚴隆秩祀往來林麓仰巍峩長卿妙筆登封貴
季氏奢心跪拜多祈福者夥皆季氏類雲自有靈能普徧碑雖沒
字亦包羅峰頭仙侶應相笑狂態依然可奈何

過泰安所屬山村晚抵長清驛館

一路經行地山中更有山馬蹄冬雪淨鴉背夕陽閒我
欲呼雲住人多肖石頑蕭然淡塵慮流水碧潺潺

曉赴張夏

十八日陰晴
相半有風

古鎮趨張夏山重水亦重霜橋寒白石風磴亞蒼松野
戍燈微燼村樵路偶逢眼前殊爽豁涼月滿西峰

崗山

士人言此山茂草時有樵子曰取茅柴日刈日豐因掘之得瓦缶焉暫寄埋松下擬次日

爲取攜計及再往則滿山松柏矣語近誕妄所異者他山皆童茲獨蒼翠獨望耳

峻極崗山巔精廬結數椽飛塵不能到松柏鬱蒼然自得菁華聚何須俶詭傳此間通帝座誰是李青蓮

晚過杜家廟作

烟林幾簇路三义村墅名傳亦孔嘉祠宇崇隆齊國界聲光赫奕少陵家有無綵筆翔鳴鳳高下殘陽帶晚鴉我偶微吟題未敢恐令杜老笑浮夸

紀齊河縣事

十九日濃陰風冷昨上燈後縣令汪蒞遣人稟稱副考官處夫馬不備先

此聲明問其端委則馬湘浦以催添燭燭之故鞭撻伊僕血流被體擬俟老僕痊否再定行止

余卽專人慰解之其說遂寢今日五鼓湘浦
先行豈亦有戒心耶戲作短章以記其事

瑣屑起爭端眞宜帶笑看檢書愁杜甫戮僕倣揚干遂
構羈畱釁非關道路難一言邀雪釋五夜走霜寒眼界
雞蟲小胸襟宇宙寬相期消忿厲我亦欲銘盤

卽境書懷

大野生寒碧遙天滿凍雲朔風吹凜烈瑞雪卜續紛頓
起圍爐興彌思挾纈軍江南回首處誰迅埽妖氛

晚抵平原卽事

綠酒酌紅螺秋冬荏苒過朶雲瞻

北關生日溯東坡使節風霜肅征途歲月多平原豪氣

在慷慨付吟哦

曉赴曲陸店作

二十日天微陰風寒

大地捲霜風蒼茫曉色中不知途遠近屢轉陌西東斷

堞荒城碧朝陽老樹紅目前平陸是懷古意何窮

曲陸卽孟

子所之平陸

劉智廟曉發

二十一日霜濃風冷

青齊接畿疆咫尺此分路漸喜

帝鄉近得遂就瞻慕月華涼浸冰霜氣白成霧維時策
僮僕前驅無回顧漢阜擬晨餐交河始夕駐豈必星火
急歲事已遲暮行行見景州初日紅高樹

商家林早尖適值集場作詩紀之

二十二日風狂寒甚

林立想商家豐亨雅足誇市聲喧日午年景絢風華嫖

母皆環佩

村姬極多

鍾馗亦畫義

門神紛列

京都知更好翹企興

無涯

由獻縣過河間懷古有作

信都霸業莽山谿樂壽遺踪付雪泥冢沒石家埋勒虎

石勒僭號信都卽河間地石虎伊養子也

雲荒水泊問高雞

竇建德爲盜高雞泊駐樂壽卽

獻縣自緣地勢誇雄武誰念人材善取攜雉堞至今村落

建此地村莊多似城垣豪情勝概壓關西

逃犬

世間異事知多少小犬猙獰吠主人蠶食鯨吞貪有素
豺聲蠡目狠無倫原情但作鷹鷂逐擬罪真宜鼎俎陳
遁去倉皇成一笑任他搖尾趁風塵

蓮花泊五古

二十三日天氣嚴寒風烈

任邱漢鄭縣界有蓮花泊今值歲寒時冰雪皓然白君
子歛英華了不矜色澤根柢正蟠深能事誰促迫異彼
馬塍花榮枯匪天宅

念祀竈事口占

黃羊馨潔肅明禋今夕家家祀竈神歸義驛中今夕宿
家中應念未歸人

驛讀邸抄知梅谷二兄新授掌院學士詩以誌喜
重來管領大羅天不負當年臚唱傳岳峙淵涵儕上相

謂二銘
中堂

雲階月地冠羣仙文章訓正言常佩

鑒曾
受業

簡命聞知喜欲顛屈指人都在卽日趨庭拜賀意歡然
途次接奉

殊諭加中官生一摺仰邀

特恩恭紀

二十四日
天寒有風

果敢邀

天鑒優容仰

帝慈

雷霆欽有赫

日月照無私激勸文衡藉

因激勸紳士致有此奏

艱難

聖主知小臣慙感甚何以荅

鴻施

由涿赴京途中作

二十五日天晴有風

夜發涿鹿城曉至固節驛

恩命未之復詎能安坐席草草具盤飧匆匆走阡陌
茲眾輿夫前行屢辟易辟易亦復佳飽看雲山碧

宿正陽門外旅店

晚隔九重城遲遲笑此行古香浮茗椀寒意上燈檠境

宛齋居似人欣小阮迎

喜姪來接

隣家誰度曲雅韻寫承平

三千驛路駐節吟詩十五國風乘輅問俗江南江北盡
入奚囊浙東浙西競傳綵筆自非羅胸有斗落手皆珠
何能籤號傳郵題籤以去鼓名記里撾鼓同酣惟我

佩衡夫子才瞻卿雲思清垂露蘭臺作賦昔列仙班棘
院持衡今銜使命爾其前旌星燦畫舫雲移岱色河
聲征壘攬勝雪來柳往駢路摘詞爰積剡籐遂羅汗竹
加以南轅返旆重唱驪歌北轍登程載揚鴻藻觀其鯨
呿鼉擲奮掃千言璧合珠聯釐分兩帙風雲月露到處
抒懷人物山川時而訪古洵平宮商迭奏金石千聲錦
組相宣雲霞五色矣茲者幸蒙垂示俾獲仰鑽

憲章材

羞樗散忝荷登龍質愧棗昏欣叨窺豹瞻山徒切觀海
難言謹綴蕪辭藉附簡末云爾受業李憲章敬識

夫邁征駢隰鞅掌賡蕭菽之詩蔚萃鴻文問俗訂輶軒
之集類皆橐編葩窟榮載檀車攬勝景於征壺記郵程
於琴轡若乃望高御李手妙鑄顏披貢士之書藥籠材
備織登科之記桂樹冬榮猶復覓句蛩初聳肩雁晚含
宮咀徵和萬葉之蠶聲扇馥流膏分三條之蠟焰主持
風雅標舉襟靈蓋觀於我 佩蘅夫子典試浙江紀程
草而歎爲觀止也 夫子擢秀貂蟬翔華駝紐振清芬
於蔥珮蘊寶氣於蘭臺夔石流聲憂十二藍雲之琯誰
華落硯寫三千紅露之章薦以華資遂膺

寵簡

恩宣芝詔乍辭錢穀之勞星迫瓜期更

賜延英之對

是科浙闈展期至十月奉旨兼程赴浙

登龍聲價輕到封

侯賜驥驅馳本來躡電於是戎裝菊序挾策楓程馬背
秋光錄別燕臺之樹袖中詞卷濃攜鶴禁之煙採風則
東箭南金驗節則澤龍山虎所過濁流鬱勃岱色蒼茫
歲星曼倩之鄉落日淮陰之里縱雲輶指日郵鼓頻催
露冕觀風簡書罕暇而筆力所到青山爭餉詩囊河流
有聲古調重彈琵琶版往往行旌纔駐而判求張旭之題
墨瀋未乾而紗護萊公之句奇章疊耀豐藻斯呈酒夢
醒餘最思京口艣聲柔處便是江南乘英簫而宣風采

皇華以入詠三階卿月壯平生擁傳之游一路福星隨
寒信到江而至雖介甫駐節吟詩王筠以官名集不是
過也旣而藻鑑孤懸棘闥遂鎖初度傳衣之地嫩寒造
榜之天赤水求珠徧搜滄海綠章薦士小聚文星我

夫子廣開燒尾之門穩握平心之稱自持玉尺不藉朱
衣剖得失於毫芒依然儒素嘗文章之甘苦同此燈青
亦且香篆低燒勞薪暗辨一場秋駕細聆桐爨之音甘
載春明重觸槐忙之夢蓬島之回飈再振戰場之餘勇
猶存若夫薦鶚餘閒探驪妙製評旣嚴夫月旦詠更續
乎霓裳或鉢擊騷壇和三疊鬪雞之韻或茶煎試院話

一鱸避鶴之煙或傳觀晏相之詩而青袍閣筆或約賦
歐公之雪而白戰聯吟莫不綴千琲以成璣織七襄以
煥錦斯又璚院之風流而承明之佳話也已迨乎銀榜
初開晶簾洞啟鵲排門外同傳北面之經蟻泛筵前爰
續南皮之會雙門胥母江山大觀十日平原旌旗小駐
時也雲濃似絮風峭不帆屏輿從之塵喧齊放中流之
鷁賦湖山之秋老從揮墨客之犀魚嘗宋嫂香羹湖訪
蘇公湯沐春風一過平添桃李之新陰畫舫重題頗覺
江山之難別然而來賦萃笙去賡柳雪巖郊採藻杞材
已采於南方駢路摘華芝蓋仍飛而北拱挹崇朝之爽

氣飽看拄笏之山裊詩思於吟鞭清到寄梅之驛回憶
峰排積玉鍋泛銷金杭州則酒染衫痕吳下則襟題別
集未免詩成思穎稟訂游吳借驢背十聯之句畱鴻泥
一度之痕當賦詩北上之年作別後西湖之夢新詩萍
社壁素親題殘月蘆溝輒紅歸踏此杭城竹枝諸詩所
由細入琴言盪爲煙語也歟且夫二馮競爽偕栽旌節
之花兩杜標微分典股肱之郡玉珂同佩青史亦稀況
乃士選髦璋鼓瑟協鹿鳴之雅床堆牙笏排雲聯雁序
而飛蓋我夫子典試之時距麟尙書秉衡之歲一星
纔過八座重臨棣萼碑前花承舊蔭壙簾譜裏調換新

聲所以持節秋風千里擁騶之地都是連床夜雨十年揮麈之談

君之恩也家之慶也尤可異者吾浙軍書旁午邊警紛催曾因羽檄之馳稍緩目羅之設乃雲開月窟鸞琯無聲而日麗朝封鶴書旋賁將毋永嘉山好全須靈運雕鏤荆岳峰多尙有少文游債借綵筆之一枝壽青山於千古而並使寸珊入網小草分榮償鐵硯之辛勤秋高風順感牙琴之知己身賤恩多不煩御史之呈身竟許江東以獨秀以故錢江潮便槎八月以來遲絳帳人多地一頭而竟讓豈非法和前世梵火原同子固傳文辯

香有定乎今者月琯宣和雲章煥采亮釐餘暇進卜偃
以論詩絲竹齊鳴許彭宣之傾耳但覺銀湧金鳴鯨喏
鼇擲仁褰衣而襍席敢奮墨以礪情譬尼山鏗點瑟之
音援李漢序韓詩之例當日星軺擁節何慚君子之九
能他時嶽衮銘勲再讀會昌之一品咸豐己未嘉平旣
望受業古吳徐錦謹跋

帝命三秋簡文星一代隆梅花催驛騎桂籍盼蟾宮手
握金針度心懸玉尺中燕雲通極北淞水自趨東誰抱
荆人璞言覘士行銅鹿鳴原盛典鶴警誤春風露布朝
馳捷煙塵夕掃空皇華歌緩緩行李倚恩恩使節頒山
虎郵籤記雪鴻頭銜冰皎潔眼界月玲瓏

宣詔承丹鳳兼程走玉驄霜嚴懷薊樹詩冷飽郵筒馬
背吟餘草林容醉後楓渡汶宜薦蕨過岱夢呼嵩訪碣
寒煙碧摩崖落日紅郊城貞木茂厭次歲星終江勢河
流湧蘭橈桂楫通旌旗森壁壘鼙鼓隱朦朧鐵甕城橫
雉銅琶氣吐虹星言勞夙駕風利話低篷令節陽春近

招賢大比同文章歸老斲舊學快新礪栽李成陰侍煎
茶選韻工仙槎遲八月秋水拭雙瞳共喜風雲會何殊
雨露公幹材思附驥末學媿雕蟲已分泥中屐誰憐爨
下桐何期鸞鳳引巧借羽毛豐策獻終慚拙鐘撞仗發
蒙宮牆頻仰止壇坫孰爭雄 夫子真人傑恒言達

帝聰甫辭風雅鑑旋任簿書叢敢以輶軒采而忘獻替
功成申懷束楚呼癸感飄蓬孰是悲民瘼疇堪矢匪躬
賢勞君子使啟沃老臣忠願作千秋鏡開陳一寸衷天
瓢傾赤壤霖雨祝蒼穹幸甚賡颺繼投宜水乳融承平
畱雅頌載路碧紗籠已未季冬下浣受業蔣珍謹呈稿